



www.BibleForChildren.org




San Juan 14



Jesusa' na'jĩk: —I'kwe'sx ũuste fxĩkãhna nxusmée
meswe. Wejx yuuwa Dxusçxá's yajkxna meswe, sa'
adxnawa txã'wěyçxáa yajkxna meswe. Adx Tata ũsnite',
jxkaasena ũswa'j wala ũsa'. Txã'wě méewaça', meea'
jĩna pta'sxni yã'j yu'nja i'kwe'stxxi.



Txãa pa'ga i'kwe'sx kxtee pa'jwa'ja's pheu'jya' u'jweçthu.
Sa' u'jçxa kxtee i'kwe'sx pa'jwa'ja's pheu'jçxa', ki'
sxawedu'nja i'kwe'sxtxi pe'jna u'jya', kxah i'kwe'sxwa
adx ãsnitey adx yakh ih ãsune'kwe.



Adxa' Juan i'kwe'sx yakhthē'th. Txãasa i'kwe'sx
na'wēy ja'daḡxah pxthaa yuuwa'ja'swa
jxpa'gasath, sa' Dxus jxkaahni ena'swa

jxpa'gasath i'kwe'sx
na'wēy. Sa' Jesukristo'



kīhtewa
wantāywa'ja's ũsku
txã'snawa i'kwe'sx
na'wēy jxpa'gasath.




Nawa naasáa Dxus yuwe's Jesukristo
kaajiyu'kh txã'sna pta'sxpa'ga yuuçxáa
adxa' preesuth ũsu' kiwe Patmos

yaasesa yu'pxãhte
u'pu'k kxtee.



Txã'jĩçpkaçxha' txãa dudtey Dexus Espiritu aphniith
yuuna pa'j, sa' uythu cielute jxkaahna ũsnisa's.




Sa' Dxus taki'jni cielutewe'sx, naa kiwetewe'sx, naa
kiwe dxiijuwe'sx, martewe'sx kxtee kīhçxah
ũstxna txã'wěsa jxuka na'jīna
we'weni'swa wěse'th: Weçxana
tuuthe'jwa'ja' jxkaahna ũsnite
kaçxçxa u'psa's vxite' Piisxakuẽ
na'wě ikhni yuuk txã'sna.


Sa' jxtuhthe
jxkaajxa'
ãjãwa'jsa'
bagaçxtewa
jī'tx.




Juan yaasesa adxa' uythu Dxus çxhab Jerusalen
u'sesa txã'wẽ Dxus tasxu cielujũ kĩaçte. Txãa çxhaba'
seena' ew pheu'jni yu'k, novxia iimi'ya' pheu'jçxa
ũythãсна ũs na'wẽ. Sa' cielujũ sus na'jĩna we'weni
wẽse'th: —Mtheg, ãçxha' Dxusa' nasaa ksxavxyte
ũsa'txãawe'sx
yakh fxi'zeyá',
açá' nasa' Dxus
jĩi yuutxna. Dxusa'
txãawe'sx Dxus
yuuya' txãawe'sx
yakh fxi'zena.



Txajũ' Dvus angela' teeçx yu'wala seena' zhiçxkwe
çxihme atesa's pta'sxku, багаçxte yuhwa uumée
kaafxize'jwa'jsa's. Sa' txãa yu'a' Dvus jxkaahna ũsni
vxite' Piisxakuẽ jĩnisa txãawe'sx jxkaahna ũsnijũk
kasehna ũsu'.



Txãa çxhaba' sek, a'te, txã'wěsa eena' kweethwa'jsa
peejmeeek yu', txãa pa'gatey Dxus zmeena' khikhyni
yakhçxáa jxukak eena' kweethe', aça' vxite zmeena'
kweethsa' Piisxakuẽ jĩnisaíçxáak yu'.



Nawa kazxsa yu' kīh yuhwa u'kameena,
ahçena ĩsxīisa kījkihwa ewmée yūusa.

Naasáa Piisxakuẽ jñisa libru

ji'pha' txãa libroute
txãawe'sx yasetx
fxi'jnisa yuuçxáa
u'katxna bagaçxte
yuhwa uuwa'jmée
ĩtxĩ fxi'zewa'jsa.




Txãasa Dxusa' kĩh nxusniijũwa jxuka
nwe'wena, aça' peena yu'
uuwa'jmée yuuna. Ũ'newa'j enwa
pa'jmeena, nxus we'wewa'jwa
pa'jmeena, akasawa pa'jmeena,
txãa pa'gatey nyafxii fxi'zeni
ena' skhẽwku jĩ'k.




Kxteea' ewmeesa yu' kīh yuhwamée yuuna. Txãa
çxhabte' Dxus vxite' Piisxakuẽ jīnisa txãawe'sx
jxkaahna ũsutxna, naapkaçxha' txãawe'sxtxi
selpisaawe'sxa' weçxana neewe'wena nes yuutxna.

Kxteea' Dxus yakh
pdxì'puçxa puutx
uyya' ãjãtxna,
sa' Dxus yase's
txãawe'sx
dxikthesu
jì'phsa
yuutxna.




Txajũ' uusaawe'sxtxi uythu, walasa ma'k yuu
le'çxkwesa ma'k yuu nawa jxuka Dxus tasxte yujuçxa
ũste. Aça' librutx phadenitx yuu, vxite' bagaçxte yuhwa
uuwa'jmée ĩtxĩ fxi'zewa'j libru yã'jçxa. Txajũ'
uusaawe'sxtxi Dxus tasxte kuutxa'jnitx yuu,
txãawe'sx ma'wẽ yũuna fxi'zesatewa librute
ma'wẽne' fxi'jni ũsu' kxtee thegçxa
kastigãywa'ja's pta'sxya'.

Aça' kxteetx akhni
yuu bagaçxte yuhwa
uuwa'jmée ĩtxĩ
fxi'zewa'j librute
txãawe'sx yasetx
fxi'jnimeesatxi's.



Aça' Dxus Espiritu vxite' Piisxakuẽ jĩnisa nyuu
txãawe'sxa' pi'ki'tx: —Myuh jĩna. Aça' txã'wẽ pi'kxni's
wẽse'jsa' jweeju mpa'yawe. Aça' yũ'wẽesa' utxaaçxa
mpa'gawe yu' bagaçxteçxáa yuhwa uuwa'jmeete
kaafxize'jsa's, kĩh yuhwa vxyuu pa'gamée.



Dxusa' naa
kiwete nasatx
iiméh wala peeygãhçxa yuuçxáak txajx
Nçxi'k teeçxçxáasanawa naa kiwete
kaah, kxah maawa txã'sna ũuste
jxpa'gaçxa' bagaçxte yuhwa
pçumée ĩtxi fxi'zewa'ja's
ji'phukahh
vxitumée.



Romanos 3:23

Txã'wẽme' maa yuhwa ewsamée, jxukay pkalsaçxaçxáa
yuuna pa'jçxa Dxus tasxte pa'jwa'ja's ji'phmée ũsta'.

Romanos 6:23

Txã'wẽme', pkala' naasáa uuwa'ja's yuuçxáak ũsu'. Nawa
Dxusa' bagaçxte yuhwa pçumée ãtxi fxi'zewa'ja'sku peesu',
Kristo Jesus nwe'wepa'ga.

Hebreos 9:27

Txãa pa'gak nasatxwa tee dxi'jçxáa jxukaysatx
uuwa'jsa vxitçxa txãa e'su' ma'wẽsaçxawa Dxus
tasxte paswa'j vxitni yuu,



Efesios 2:8,9

Txãa pa'ga i'kwe'sxa' kĩhte yuhwa seelpimeesaçxawa, naasáa Dxus peeygãhçxa nwe'wenisaçxáa i'kwe, txã'wẽ Kristo's ũusuh jxuka yaakxpa'ga. Dxus nwe'weni's i'kwe'sx kakweju ew yũuna fxi'zeçxa uymeei'kwe, txã'sa' Dxusku pees peeygãhçxa. Dxus nwe'weni's kakweju ew yũuna fxi'zeçxa ya'jypa'ga'çme' naa pa'ga maa yuhwa iiwejçx yaakxwa'j ji'phmeeta'.

Romanos 10:9,10

Aça' na'wẽçxáa myũu: Dxus Nçxi'k Jesukristo uutewa Dxusíi ki' ãtxi vxitku sũhwa'ja's ji'phuçxa Kristo yuuçxá's nwẽese'jya' jxpa'gawa'ja'. Txã'wẽ yuuçxa' ewte neeyũune'ga. Txã'wẽ ewte neeyũuya', Jesukristo's ũusuh jxuka yajkxçxa jxpa'gawa'ja', sa' ãatewa tuuthe'jwa'ja'.



San Juan 3:16,17

Dxusa' naa kiwete nasatx iiméh wala peeygãhçxa yuuçxáak txajx Nçxi'k teeçxçxáasanawa naa kiwete kaah, kxah maawa txã'sna ũuste jxpa'gaçxa' bagaçxte yuhwa pçumée ĩtxi fxi'zewa'ja's ji'phukahñ vxitumée. Dxusa' naa kiwete txajx Nçxi'ka's kaahçxawa, nasatx ewmeete nvxihtxa' kaahme', wejxwa nwe'weya'k kaah.

1 Juan 5:11-13

Jesukristo' Dxus Nçxi'ka' jĩna we'weçxa', Dxusa' kwe'stxxi' pçumée ĩtxi fxi'zewa'ja's peesku jĩnisa', txãa yuuçxáa pçumée ĩtxi fxi'zewa'ja's ji'phsa' naa pa'ga. Txãa pa'ga maawa Dxus Nçxi'ka's ũuste jxpa'gasa', pçumée ĩtxi fxi'zewa'ja's ji'phsa' yuutxna. Nawa Dxus Nçxi'ka's ũuste jxpa'gasame', pçumée ĩtxi fxi'zewa'ja's ji'phmeesa yuutxna. Dxus Nçxi'ka's ũuste jxpa'gasa', pçumée ĩtxi fxi'zewa'ja's ji'phne'tka'w sũhna jiyukahñthu i'kwe'stxxi pta'sxna fxi'ja'.



San Juan 14; 2 Korintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Páez: NT (pbb) © 2014, Wycliffe Bible Translators, Inc.
All rights reserved.

<https://live.bible.is/bible/PBBDYU/MAT/1>

©2025 Bible for Children, Inc.

www.M1914.org

www.bibleforchildren.org

